



二十一史論贊

リ 8
1899
10



1899
卷 10

51

南北史小引

溫公曰李延壽之書亦近世之佳史也雖于機祥詼諧小事無所不載然叙事簡徑比于南北正史無煩冗蕪穢之辭故多採入通鑑紫陽亦言陳壽之後惟延壽可以亞之但恨延壽不作志使數代制度沿革皆沒不見耳諸論簡勁不及三國而明達過之豈小說可望項背獨其以南北分詳略則未免爲方隅所限是則其蔽也矣

古吳沈國元飛仲題





二十一史論贊目錄

古吳 沈國元飛仲 批選 子 沈 琦韓來 較

苔水 唐元望表臣 全閱 襄州 潘士秀人琳 全泰

光山 劉允升以時 潘士良質夫

南史

梁本紀

武帝

簡文帝元帝敬帝

陳本紀

宣帝後主

宋列傳

宋宗室諸王武帝諸子

文帝諸子孝武諸子明帝諸子

劉穆之徐羨之傅亮檀道濟

朱脩之王玄謨

劉康祖

趙倫之蕭思話臧燾

謝晦謝裕謝方明謝靈運

謝弘微

王弘傳

王曇首

王誕王華王惠王彧

王裕之王鎮之王韶之王悅之王准之

王懿到彥之垣護之張興世

袁湛

孔靖孔琳之殷景仁

褚裕之

蔡廓

何尚之

張裕

張邵

范泰荀伯子徐廣鄭鮮之裴松之何承天

顏延之沈懷文周朗

劉湛庾悅顧瑛顧覲之

羊欣羊玄保沈演之江夷江秉之

沈慶之宗慤

柳元景

殷孝祖劉劭

魯爽薛安都鄧琬宗越吳喜黃回

齊列傳

齊宗室

齊高帝諸子

齊武帝諸子文惠諸子明帝諸子傳

荀伯玉崔祖思蘇侃虞悛胡諧之虞玩之劉生江祐

陸澄陸慧陸杲

庾杲之王謏孔珪劉懷珍

劉瓛明僧紹庾易劉虬

梁列傳

梁宗室

梁武帝諸子

梁簡文帝諸子元帝諸子

鄧元起

張弘策

韋叡裴邃

江淹任昉王僧孺

許懋

陳伯之陳慶之蘭欽

江子一陰子春杜崩王琳張彪

陳列傳

陳宗室諸王

杜僧明周文育侯瑱侯安都歐陽頎黃法氈淳于量章昭達

吳明徹

胡穎徐度杜稜周鐵武程靈洗沈恪陸子隆錢道戢駱文牙

孫瑒徐世譜周敷荀朗周炅魯恚達蕭摩訶任忠樊毅
趙知禮蔡景歷宗元饒韓子高華皎劉師知謝岐毛喜沈君

理陸山才

沈炯虞荔傅縡顧野王姚察

傳

循吏

儒林

文學

孝義

隱逸

恩倖

海南諸國

東夷諸國

賊臣

二十一史論贊 南史

唐 李延壽 撰 明 沈國元 閱

宋本紀

少帝 少帝名義符

晉自社稷南遷王綱弛紊朝權國命遙歸台輔君道雖存主威久謝桓温雄才蓋世勳高一時移鼎之業已成天人之望將改自斯以後帝道彌昏道子開其禍端元顯成其釁末桓元乘時藉運加以先資革命受終人無異望宋武地非齊晉衆無一旅曾不浹旬夷凶剪暴誅內清外格上下若夫樂推所歸謳思所集校之魏

晉可謂牧其實矣。然武皇將涉知命天道。顧有慈顏。前無嚴訓。少帝體易染之質。稟可下之姿。外物莫犯其心。所欲必從其志。嗟。縱真非學而能危亡不期。而集其至顛沛。非不幸也。悲哉。

史筆紀載原無定例。如南北二史。李相州之所作也。南史先傳循吏。北史先傳儒林。南史兼傳文學。北史則傳文苑。南史傳孝義。北史則改為孝子。南史傳夷貊。北史則改為四夷。與夫酷吏藝術列女。南史所無。而北史皆傳之。曷嘗比而同乎。李唐五代史皆歐陽文忠所作也。唐史志天文。而五代則為司天。唐史志地理。而五代則為職方。唐史傳后妃。而五代則為家人。唐史表

世家。而五代則述世家。與夫循吏酷吏儒學文藝。唐史所有。而五代皆無之。曷嘗比而同乎。是知沿類蹈墨。固陋儒之為也。

梁本紀

武帝蕭姓名傳

梁武帝時逢昏虐家遭冤禍既地居勢勝乘機而作以斯文德有此武功始用湯武之師終濟唐虞之業豈曰人謀亦惟天勝及據圖籙多歷歲年在位四十九年製造禮樂敬崇儒雅自江左以來年踰二百文物之盛獨美於茲然先王文武並用德行備舉方之水火取法陰陽為國之道不可獨任而帝留心知且忘情干戚溺於釋教弛於刑典既而帝紀不立悖逆萌生反噬彎弧皆自子弟履霜弗戒卒至亂亾自古撥亂之君固已多矣其或樹置失所而以後嗣失之未

有○自○已○而○得○自○已○而○喪○追○蹤○徐○偃○之○仁○以○致○窮○門○之○酷○可○為○深○痛○
可○為○至○戒○者○乎○

梁武以馬上得之。豈遂忘情于戚。彼見橫逆接踵。以詐力分割。借機皆剽奪之念。為之也。是以欲以文柔之道化之。亦或一見。但溺於外教捨身麵牲之舉。不復有人君之度。自得自失。不足怪也。論極清遠秀逸。幾於風雅。

簡文帝元帝敬帝簡文各綱元帝各繹敬帝各方智

帝○王○之○位○天○下○之○重○職○文○武○之○道○守○聘○所○常○遵○其○於○行○用○義○均○水○
火○相○資○則○可○專○任○成○亂○觀○夫○有○梁○諸○帝○皆○一○之○而○已○簡○文○文○明○之○
姿○稟○乎○天○授○粵○自○支○庶○入○居○明○兩○經○國○之○筭○其○道○弗○聞○宮○體○所○傳○
且○變○朝○野○雖○主○虛○號○何○救○滅○也○元○帝○居○勢○勝○之○地○啟○中○興○之○業○既○
靈○讎○耻○且○應○天○人○而○內○積○猜○恐○外○崇○矯○飾○攀○號○之○節○恐○酷○於○喻○年○
定○省○之○制○申○情○於○木○偶○竟○而○雍○州○引○寇○釁○起○河○東○之○戮○益○部○親○尋○
事○習○邵○陵○之○寤○悖○辭○屈○於○僧○辯○殘○虐○極○於○圓○正○不○義○不○昵○若○斯○之○
甚○而○復○謀○無○經○遠○心○勞○志○大○近○捨○宗○國○遠○迫○強○隣○外○弛○藩○籬○內○崇○

講肆卒於溘至戡隕。方追始皇之迹。雖漢文籍滿腹。何救社廟之墟。歷觀書契以來。蓋亦廢興代有。未見三葉遼懸。頓若蕭宗之酷。敬皇以此冲年。當斯頽運。將不高揖其可得乎。禪于陳。快事少。恨事多。讀史至此。鮮不廢嘆。

陳本紀

宣帝後主

宣帝名頊。後主名叔寶。

陳。宣帝器度弘厚。有人君之量。文帝知冢嗣仁弱。早存太伯之心。及乎弗念。咸知委託矣。至於績業之後。拓土開疆。蓋德不逮文。智不及武。志大不已。晚致呂梁之敗。江左日蹙。抑此之由也。後主因削弱之餘。鍾滅亡之運。刑政不榘。加以荒深。夫以三代之隆。歷世數十。及其凶也。皆敗於婦人。况以區區之陳。外隣明德。覆車之跡。尚且追蹤於季。其獲支數年。亦為幸也。雖忠義感慨。致慟井陽。何救麥秀之深悲。適足取笑乎干祀。嗟乎。

美無足述。疵有可指。辭意綿芊。比於嚴緊之文。

宋列傳

宋宗室諸王武帝諸子

自古帝王之興。雖係之於歷數。至於經啟多難。莫不兼藉親賢。當於餘妖內侮。荀桓交逼。荆楚之勢。同柱累卵。如使上略未盡。一筭或遺。則得喪之機。未可知也。烈武王。擊群才。揚盛策。一舉而掃勅寇。蓋亦人謀之致乎。長沙雖位列。鼎不受本根之寄。跡其行事。有以知武皇之則。哲廬陵以帝子之重。兼高明之姿。豐跡未彰。禍生忌克。痛矣。夫天倫猶子。分形共氣。親愛之道。人理斯同。富貴之情。其義則舛。善乎龐公之言。比之周公管蔡。若處茅屋之內。宜無

放殺之酷。觀夫彭城南郡其然乎。江夏地居愛子。位當上相。大明
 之世。親禮冠朝。屈體降身。歸於卑下。得使兩朝暴主。永無猜色。歷
 載踰十。以尊戚自保。及在永光。幼主南面。公旦之重。屬有所歸。自
 謂踐冰之慮已除。太山之安可恃。曾未云幾。而殊體分肌。古人以
 隱微致戒。斯為薦矣。衡陽晚存酒德。何先後之云。殊其將存覆車
 之鑒。不然。何以致於是也。

指劃情事。咸中隱微。神氣清渺。有煙銷之致。

文帝諸子 孝武諸子 明帝諸子

甚矣哉元嘉之遇禍也。殺逆之釁。事起肌膚。因心之重。遂止天性。
 雖鳴鏑之酷。未極於斯。其不至覆亡。亦為幸也。明皇統運。疑隙內
 構。尋斧所加。先自至戚。晉刺以獷。暴摧軀。巴袞由和。良醜體保身
 之路。未知攸適。昔之戒子。慎勿為善。詳求其旨。將遠有以乎。詩云
 不自戒先。不自戒後。蓋古人之畏亂也。孝武諸子。提挈以成。豐亂
 遂至。宇內沸騰。王室如燬。而帝之諸胤。莫不殲焉。強不如弱。義在
 於此。明帝負螟之慶。事非已出。枝葉不茂。豈能庇其本乎。
 沉雋姚遠。殊耐追索。

劉穆之徐羨之傳亮壇道濟

宣公配饗清廟。豈徒然也。若夫怙才驕物。公旦其猶病諸。而以劉
 祥居之。斯亡亦為幸焉。秀之行已有道。可謂位無虛授。當徐傳二
 公。跪承顧託。固當以社稷為存亡。湛之孝嗣。臨機不決。既以敗國。
 且以殞身。反受其亂。斯其効也。道濟始因錄用。故得志瑕。晚因大
 名。以至顛覆。韶祇克傳胤。嗣其木雁之間乎。
 語多勅獲。近魏晉風流。

朱脩之王玄謨

脩之滑臺之守有踈勒之難苟誠節在焉所在為重其取榮大國豈徒然哉終假道自歸首丘之義也玄謨封狼之心雖簡帝念然天方相魏人豈能支宋氏以三吳之弱卒當八州之勁勇欲以邀勝不亦難乎盛境凶師固其宜也觀夫慶之言可謂達於時變瞻傲恨不悔卒至亡軀然齊武追恨魚服匹夫懼矣玄邈行己之度有士君子之風乎

宋書著其才節此則詳其事勢虛寔之境異而文之多寡因焉若其邁宕之致固不可與休文同日論也

劉康祖

康祖門奉興王。早裂封壤。受委疆場。赴蹈為期。延孫隆名盛寵。擇
而後授。遂以腹心之託。自致宗臣之重。亦其過也。
雕語刻秀。

二十一 史記卷之二十一 趙世家 趙世家 趙世家

趙倫之蕭思話俱以外戚之親並接風雲之會言親則在趙為家

趙倫之蕭思話城憲

趙倫之蕭思話俱以外戚之親並接風雲之會言親則在趙為家
論望則於蕭為重古人云人能弘道蓋此之謂乎惠開親禮雖篤
弟隙尤著方寸之內孝友異情嶮於山川有驗於此城氏文義之
美傳於累代含文以致誅滅好亂之所致乎
蕭瑟

二十一 史記卷之二十一 趙世家 趙世家 趙世家

謝晦謝裕謝方明謝靈運

謝晦以佐命之功當顧托之重。殷憂在日。黜昏啓聖。於社稷之計。蓋為大矣。但廬陵之殞。事非主命。昌門之覆。有乖臣道。博陸所慎。理異於斯。加以身處上流。兵權總已。將欲以外制內。豈人主所久。堪乎。向令徐傳不亡。道濟居外。四權制命。力足相侔。劉氏之危。則有逾累卵。以此論罰。豈曰妄誅。宣遠所為。寒心可謂。睹其萌矣。然謝氏自晉以降。雅道相傳。景恒。景仁。以德素傳美。景懋。景仁。以節義派譽。方明。行己之度。玄暉。藻思之奇。各擅一時。可謂德門者矣。靈運才名。江左獨振。而搢擻不已。自致覆亾。人各有能。茲言乃信。

惜乎

向令一轉。雖充類之文。然非羅織。

謝弘微

易云積善之家必有餘慶。弘微立履所蹈。人倫播美。其世濟不隕。蓋有馮焉。敬冲出入三代。驟經遷革。遁俗之志。無聞貞固之道。居官之方。未免貨財之累。因偃成敬。偃仰當年。古人云處士全盜虛散。斯之謂矣。

嚴譏深刺。貪鄙之態如畫。

卷之十一 王弘傳 十四

王弘傳

語云。不有君子。其能國乎。晉自中原沸騰。介居江左。以一隅之地。抗衡上國。年移二百。蓋有憑焉。其初諺云。王與馬共天下。蓋王氏人倫之盛寔始是矣。及夫休元弟兄。並舉棟梁之任。下逮世祠。無虧文雅之風。其所以簪纓不替。豈徒然也。僧達搢搢狂成性。元長躁競不止。

諺語徵驗甚確。將興之理。良有先見。

卷之十一 王弘傳 十四

二十一 賦 論 卷 十一 王 雲

王 雲 首 之 才 器 王 僧 綽 之 忠 直 其 世 祿 不 替 也 豈 徒 然 哉 仲 寶 雅 道 有 居 早 懷 伊 呂 之 志 竟 而 逢 時 遇 主 自 致 宰 輔 之 隆 所 謂 衣 冠 禮 樂 盡 在 是 矣 齊 有 人 焉 於 斯 為 盛 其 餘 文 雅 儒 素 各 稟 家 風 箕 裘 不 墜 亦 云 美 矣 想 見 盛 風

王 雲 首

王 雲 首 之 才 器 王 僧 綽 之 忠 直 其 世 祿 不 替 也 豈 徒 然 哉 仲 寶 雅 道 有 居 早 懷 伊 呂 之 志 竟 而 逢 時 遇 主 自 致 宰 輔 之 隆 所 謂 衣 冠 禮 樂 盡 在 是 矣 齊 有 人 焉 於 斯 為 盛 其 餘 文 雅 儒 素 各 稟 家 風 箕 裘 不 墜 亦 云 美 矣 想 見 盛 風

二十一 賦 論 卷 十一 王 雲 十五 大 宋 堂

二十一史論贊 卷十九 王誕

王誕五華王惠王或

王誕夙有名輩而間關夷險卒獲攀光日月遭遇蓋其時焉奉光奉叔竝得官成齊代而亮自著寒松固為優矣瑩印章六毀豈鬼神○之○害○盈○乎○景○文○弱○年○主○譽○芳○聲○籍○甚○榮○貴○之○來○匪○由○勢○至○若○使○泰○始○之○朝○身○非○外○戚○與○表○粲○群○公○方○駮○並○路○傾○覆○之○灾○庶○幾○可○免○庾○元○規○之○讓○中○書○令○義○歸○此○矣○真○有○愚○子○自○致○誅○夷○份○胤○嗣○克○昌○特○鍾○門○慶○羨○矣○
以外戚得禍令人有盈成之懼

二十一史論贊 卷十九 王誕 十六 大來堂

二十一史論贊 卷十九 王裕

王裕之 王鎮之 王韶之 王悅之 王准之

昔晉初度江 王道卜其家世 郭璞云 淮流竭 王氏滅 觀夫晉氏以來 諸王冠冕 不替 蓋亦人倫所得 豈唯世祿之所傳乎 及於陳亡 之年 淮流寔竭 曩時人物 掃地盡矣 斯乃興亡之兆 已有前定 天之所廢 豈智識之所謀乎 既曰 人倫所得 又曰 天之所廢 將奈何 德勝之言 不可不思

二十一史論贊

卷十九 王裕

十七

大來堂

王懿到彦之垣護之張興世

雜

王仲德受任二世能以功名始終入關之役檀王咸出其下元嘉
比討則受督於人有蘭生之志而無關公之憤長者哉道豫雖地
居豐沛榮非恩假時歷四代人馬不絕文武之道不墜斯門殆為
優矣垣氏宋齊之際世著武節崇祖陳力疆場以韓白自許竟而
杜郵之醋可為痛哉興世鵲浦之奇遠有深致其垂組建旆豈徒
然也

意致娉婷

二十一史論贊 卷十九 袁湛

袁湛

宋齊以還袁門世蹈忠義固知風霜之槩松筠其性乎若無陽源
之節丹青夫何取貴顛雖末路披猖原心有本豕之出處所蹈寔
懋家風槩執履之迹近乎仁勇古人所謂疾風勁草豈此之謂乎
昔王經峻節既被旌於晉世槩之貞固亦改葬於齊朝其激厲之
方異代同符矣昂命屬崩離身逢危季雖獨夫喪德臣節無改拒
梁武之命義烈存焉陰從兄之服悌心高已既而抗言儲嗣無忘
直道辭榮身後有心黜殯自初及末無虧風範從微至著皆為稱
職蓋一代之名公也樞風格峻整憲仁義率由韓子稱人臣委質

二十一史論贊

卷十九 袁湛

十九

大東堂

心無有二憲弗渝歲暮良可稱云敬泌立履之地亦不為替矣
大節萃於一家娘娘可攷

孔靖孔琳之殷景仁

季恭命偶興玉恩深惟舊及位致崇寵而每存謙挹觀夫持滿之
戒足以追蹤古人瑋之貞素之風不踐無義之地易曰玉臣蹇蹇
其動也直休文行已之度可謂近之琳之二議深違變通之道觀
持身之節亦曰一時之良而聽言則悖晚致覆沒痛矣哉景仁遠
大之情著於初筮元嘉之盛卒致宗臣言聽計從於斯為重美矣
乎

沈無謀曰經緯審美

褚裕之

褚氏自至江左，人馬不墜。彦回以此世資，時譽早集。及於逢迎，與運、謗、議、沸、騰，既以人望見推，亦以人望而失也。始貞、勁之性，炫廉勝之風，求之古人，亦何以加此。玠公平諒，直文武兼資，可謂世業無隕者矣。

人望二語，可謂深於世故之談。

蔡廓

蔡廓體業弘正風格峻舉與宗出內所踐不隕家聲位在具臣而
 情懷伊霍仁者有勇驗在斯乎然自廓及凝年移四代高風素氣
 無乏於時其所以取貴不徒然矣至於矜倨之失蓋其風俗所通
 格以正道故亦名教之深尤也
 名教二字正江左玄虛對症之藥聳息可當叩脛

史論夫

卷十九 蔡廓

二十二

大奉堂

蔡廓體業弘正風格峻舉與宗出內所踐不隕家聲位在具臣而
 情懷伊霍仁者有勇驗在斯乎然自廓及凝年移四代高風素氣
 無乏於時其所以取貴不徒然矣至於矜倨之失蓋其風俗所通
 格以正道故亦名教之深尤也
 名教二字正江左玄虛對症之藥聳息可當叩脛

何尚之

尚之。以雅道自居。用致公輔。行已之迹。動不踰閑。及乎沈閣取譏。皮冠獲誚。貞粹之地。高人未之前許。然父子一時並處權要。雖經屯詖。咸以功名自率。古之所謂巧宦。此之謂乎。黜胤弟兄俱云遁逸。求其蹈履。則非曰山林。察其持身。則未捨名譽。觀夫子哲之赴惠。景子秀之矯敬。冲以迹。以心。居然可測。而高自標致。一代歸宗。以之入用。未知所取。斯殆虛勝之風。江東所尚。不然。何以致於此也。昌寓雅仗名節。殆曰人望。敬容材實。幹蠱賄而敗業。惜乎。沈伯緋曰。推論黷處。山人隱士。見之有此。

二十一 史論賈

卷十九 何尚

二十三

大來堂

張裕

張裕有宋之初。早參霸政。出內所歷。莫非清顯。諸子並荷崇構。克舉家聲。其美譽所歸。豈徒然也。思曼立身簡素。殆人望乎。夫濯纓從事。理存無二。取信一主義。終百心。以永元之末。人憂塗炭。公喬重圍之內。首創大謀。而旋見猜疑。又况異於斯也。然則士之行已。可無汲議。四山赴蹈之方。可謂矯其違矣。

雋語飛來。深入理致。

[Faint bleed-through text from the reverse side of the page]

二十一 詩經 卷十九

張邵

有晉自宅淮海張氏無乏賢心及宋齊之間雅道彌盛其前則云
敷演鏡暢蓋其尤著者也然景胤敬愛之道少微立履所由其始
優矣思光行已卓越非常俗所遵齊高帝所云不可有二不可無
一斯言其幾得矣徐氏妙理通靈蓋非常所至雖古之和鵲何以
加茲融與文伯欵好故附之云爾

清微高素別有異姿

卷十一 命書

卷十一 張邵

二十五

大來堂

范泰荀伯子徐廣鄭鮮之裴松之何承天

夫令聞令望。詩人所以作詠。有禮有法。前哲由斯。播美觀夫。允允
三公。竝以學業自著。而于時之譽。不期俱不為弘。雖才則有餘。而
望乃不足。蔚宗藝用有過人之美。迹其行事。何利害之相傾。徐廣
動不違仁。義兼儒行。鮮之時稱格。佞斯不佞矣。松之雅道為貴。寔
光載德。承天素訓。所資無慙。舅氏美矣乎。

王吳之曰秀折

顏延之沈懷文周朗

文人不護納行。古今之所同焉。由夫聲裁所知。故取忤於人者也。
 觀夫顏謝之於宋朝。非不名高一代。靈運既以取斃。延之亦躓當。
 年。向之所謂貴身。翻成害己者矣。士遜援筆。數罪陵讎。犯難餌彼。
 慈尊。再之默吻。以此為忠。無聞前誥。夫自忍其親。必將忍人之親。
 士遜自忘其孝。期以申人之孝。自非嚴父之辭。允而義愜。則難乎。
 免矣。師伯行已。縱欲好進。忘退。既以此始。亦以此終。宜乎懷文蹈。
 履之地。足以追蹤古烈。孔母致懼。中丞其誠。深矣。周朗始終之節。
 亦倜儻為尤。顯捨父子文雅不墜。弘正兄弟義業。幾乎德門者焉。

意隨筆轉而淋漓曲折咸竟其旨

劉湛度悅顧琛顧覲之

古人云利令智昏甚矣利害之相傾也。劉湛識用才能寔包經國
之略。豈不知移弟為臣則君臣之道變。用兄成主則兄弟之義殊。
而執數懷姦苟相崇悅與夫推長戟而犯順何以異哉。昔華元敗
則以羊羹而取禍。觀夫庾悅亦魏炙以速尤。乾餼以愆。斯相類矣。
登之因禍而福倚伏無常。仲文賄而為灾。乃徇財之過也。顧琛吳
郡徵兆於初筮。觀之清白之迹。見於暮年憲之莅政。所在稱羨。時
移三代一德無虧。求之古人未為易過。觀其遺命可謂有始有卒
者矣。

工處亦費心哉。

羊欣羊玄保沈演之江夷江秉之
敬无夷簡歸譽玄保弘懿見推其取重於世豈虛名也然玄保時
隆帝念雖命稟於玄天跡其思寵蓋亦猶賢之助沈氏世傳武節
而演之以業尚見知綢繆帷幄遂參機務處默保閑篤素非源節
見臨危懿德高風所謂世有人矣茂遠自晉及陳唯道相係奕世
載德斯之謂焉而總溺於寵狎反以文雅為敗然則士之成名所
貴彬彬而已玄叔清介著美足以追踪古烈今和窺覘成性終取
贖於險塗宜矣

羊欣羊玄保沈演之江夷江秉之
敬无夷簡歸譽玄保弘懿見推其取重於世豈虛名也然玄保時
隆帝念雖命稟於玄天跡其思寵蓋亦猶賢之助沈氏世傳武節
而演之以業尚見知綢繆帷幄遂參機務處默保閑篤素非源節
見臨危懿德高風所謂世有人矣茂遠自晉及陳唯道相係奕世
載德斯之謂焉而總溺於寵狎反以文雅為敗然則士之成名所
貴彬彬而已玄叔清介著美足以追踪古烈今和窺覘成性終取
贖於險塗宜矣

寵狎致敗文雅豈任其咎此論足銷才人之口

二十一史論贊 卷十九 羊欣 二十九 大來堂

沈慶之宗慤傳

沈慶之以武毅之姿屬殷憂之日驅馳戎旅所在見推其戡難定
功蓋亦宋之方邵及勒王之業克舉台鼎之位已隆年致懸車官
成名立而卒至顛覆倚伏豈易知也諸子才氣竝有高風將門有
將斯言得矣攸之地處上派聲稱易舉專威擅命年旦逾十終從
諸葛之薨代德其有歟乎宗慤氣槩風雲竟成其志夫蹈履清正
用升顯級亦各志能之士也
倚伏豈易知一語令人瞿然省悟

柳元景

柳元景行已所資。豈徒武毅。當朝任職。實兼雅道。卒至覆族。遭逢
亦有命乎。世隆文武。器業始人。望也。諸子門素。所傳俱云。克構仲
禮。始終之際。其不副也。何哉。豈應天方喪梁。不然。何斯人而有斯
也。

仲禮一段。俱以疑詞致詰。甚於痛刺。

二十一 史記卷之二十一 孝經 卷之二十一 孝經 卷之二十一 孝經

殷孝祖劉劬

當大始之際。二殷本就不同。原始要終。各以名節自立。孝祖翫敵而亡。蓋其宜也。劉劬出征久撫。所在派譽。行己之節。赴蹈為期。雖古之忠烈。亦何以加此。悛至性過人。繪辭義克舉。諸子各擅雕龍。當年方駕文采之盛。殆難繼乎。孝綽中冓為尤。可謂人而無儀者矣。

區別清嚴。交責處媿。而當情。

二十一 史記卷之二十一 孝經 卷之二十一 孝經 卷之二十一 孝經

[Faint bleed-through text from the reverse side of the page]

魯夷薛宋都鄧琬宋越吳喜黃曰

凶人之濟其身業。非世亂其莫由焉。魯夷以亂世之情而行之。於平日其取敗也宜哉。安都自致奔亡亦為幸矣。鄧琬以亂濟世終致顛隕。宋越釁稔惡盈。放至夷戮各其職也。吳喜以定亂之功勞未酬而禍集。黃曰以助順之志。福未驗而灾生。唯命也哉。行事各有本末。不宜同傳。客曰惟同傳乃見筆力。

齊列傳

齊宗室

有齊宗室唯始安之後克昌。明帝取之以非道，暹光濟之以殘酷。其卒至顛仆，所謂亦以此終者也。穎胃荊州之任，蓋惟失職，反其末途倚伏，豈預圖之所致乎。謹與垣之俱應顧託，既以傾國，亦以覆身，各其宜矣。天道不爽。

齊高帝諸子

豫章文獻王瑋璋之質風表天姿行已所安勉勵之詞率由忠敬雖代宗之
議早隆皇賜而天倫之愛無虧永明故知為仁由已不虛言也
文如其人

齊高帝諸子

卷之九 齊高

三十五

齊高

齊武帝諸子文惠諸子明帝諸子

守器之重。邦家所為。觀文惠之在東儲。固已有虧。令德向令。負荷斯集。猶當集於禍敗。况先期風隕。愆失已彰。而武帝不以擇賢。傳之昏孽。推此而論。有冥數矣。子良物望所集。失在儒雅。當斷不斷。以及於灾。非止自致喪亡。乃致宗祀覆滅。哀哉。夫帝王子弟。生長尊貴。情偽之事。不經耳目。雖卓爾天悟。自得懷抱。孤寡為識。所陋猶多。齊氏諸王。並幼踐方岳。故輔以上佐。簡自帝心。勞舊左右。用為主帥。州國府第。先令後行。飲食游居。動應聞啟。端拱守祿。遵承法度。張弛之要。莫敢厝言。行事執其權。典籤掣其肘。處地雖重。行

編重

二十一
言考
卷十
六

止莫由。威不在身。恩未接下。倉卒一朝。事難總集。望其擇位扶危。不可得矣。路溫舒云。秦有十失。其一尚存。斯宋氏之餘風。及在齊而彌弊。寶元親兼一體。欣受家殃。曾不知執柯所指。附孽相從而敗。以此而圖萬事。未知其髣髴也。

驕態。弊制。臚列明悉。為本支百世之誦者。當參注代之得失。而通其變耳。

陸澄陸慧陸杲

陸澄學稱博古。而用不合。夫干將見重於時。貴其所以立。斷於事。未能周務。書厨得所。譏矣。叔明持身有檢。殆為人望。雅道相傳。可謂載德者也。杲諒直見稱。覃文以取達。亦是美乎。舊陸徽著傳。事迹益寡。今以附孫杲上云。

體用兼長。斯為時重。偏節未足貴也。抱珍持衡。當互權其誠。然否耳。徒取姍笑何益。

度杲之王 謹孔珪 劉懷珍

詩稱抑抑威儀。惟人之則。又云其儀不忒。正是四國。觀夫杲之風
 派所得。休野行已之度。蓋其有馬仲和性履所遵。德璋業尚所守。
 殆人望也。懷珍宗族文質斌斌。自宋至梁。時移三代。或以隱節取
 高。或以文雅見重。古人云立德立言。斯門其有之乎。
 韻折悠揚。

劉瓛明僧紹度易劉虬

劉瓛弟兄僧紹父子並業盛專門飾以儒行持身之節異夫苟得

患失者焉度易劉虬取高一代其所以行已事兼隱德諸子學業

之美各著家聲顯及之遊見嫉時主或以非罪而斥或以非疾而

凶異夫自古哲王屈已下賢之道有以知武皇之不弘元后之多

忌梁祚之不永也不亦宜哉

忌才之君至促國祚報施何其酷哉然非仁人之所忍言也

唐

李延壽 著

明

沈國元 閱

閱



梁列傳

梁宗室

自昔王者創業莫不廣植親親割裂州國封建子弟是以大旆必
 昂崇於魯衛盤石犬牙寄汲梁楚梁武遠遵前軌蕃屏懿親至於
 戚枝咸被任遇若蕭景才辯固亦梁之令望者乎臨川不才頻叨
 重寄古者睦親之道粲而不殊加之重名則有之矣而宏屢黷彝
 典一撓師徒梁之不綱於斯為甚正德穢行早顯逆心夙構比齊

衰而迹可足似吳淠而勢不侔徒為賊景之階梯竟取國敗而身
減哀哉安成南平鄱陽始興俱以名迹著美蓋亦有梁之間平也
同氣別若異類良可嘆也

梁武帝諸子

甚矣○讒○佞○之○為○巧○也○夫○言○附○正○直○跡○在○恭○敬○悅○目○會○心○無○施○不○可○
至○乃○離○父○子○間○兄○弟○廢○楚○嫡○疎○漢○嗣○可○為○太○息○良○非○一○塗○以○昭○明○
之○親○之○賢○梁○武○帝○之○愛○之○信○謗○言○一○及○至○死○不○能○自○明○况○於○下○此○
者○也○綜○處○秦○政○之○疑○懷○負○尺○之○志○肆○行○狂○悖○卒○致○奔○亡○廬○陵○多○財○
為○累○雄○心○自○立○未○及○騁○暴○早○沒○為○幸○南○康○為○政○有○方○居○喪○以○禮○惜○
乎○早○夭○不○拯○危○季○邵○陵○少○而○險○燥○人○道○頓○亡○晚○致○勤○王○其○殆○優○矣○
武○陵○地○居○勢○勝○卒○致○傾○覆○才○輕○志○大○能○無○及○乎○
至○乃○二○字○有○萬○鈞○之○力○惟○其○如○此○詩○人○所○以○深○惡○之○也○

梁簡文帝諸子元帝諸子
簡文提挈寇戎元帝崎嶇危亂諸子之備踐艱棘蓋時運之所鐘
乎忠烈以幹蠱之材居家嗣之任竟亦當年墳落通塞亦云命也
哀哉

梁簡文帝諸子元帝諸子
簡文提挈寇戎元帝崎嶇危亂諸子之備踐艱棘蓋時運之所鐘
乎忠烈以幹蠱之材居家嗣之任竟亦當年墳落通塞亦云命也
哀哉
值此寇亂豈非時命使然願無生帝王家非飾辭也

二十一 史論贊 卷二十一 梁簡 三 大東堂

鄧元起

元○起○勤○乃○胥○附○切○惟○闕○土○勞○之○不○圖○禍○機○先○陷○冠○軍○之○貶○於○罰○已○
輕○梁○之○政○刑○於○斯○為○失○私○戚○之○端○自○斯○而○啟○年○之○不○永○不○亦○宜○乎○
賞○罰○不○明○國○非○其○國○此○先○王○所○以○致○慎○於○勅○法○也○

[Faint bleed-through text from the reverse side of the page]

張弘策

張弘策。醇厚慎密。首預帝圖。其位遇之隆。豈徒外戚云爾。至如太清板蕩。親屬離貳。績不能叶。和蕃無克。溫陶治之功。而苟懷私怨。以成霧隙之首。風格若此。而為梁之亂階。惜乎。有所厚予。有所不恕。嚴裁正斲。炳爛簡冊。

長公策

五

韋叡裴邃

韋叡少年勵操俱以學尚自立晚節驅馳各著功於戎馬觀叡制
 勝之道謂為魁梧之傑然而形甚羸瘠身不跨鞶板輿指麾隱如
 敵國其器分有在隆名豈虛得乎邃自効邊疆盛績克舉其志不
 遂良可悲夫二門子弟各著名節與梁終始克荷陰構將門有將
 斯言豈曰妄乎
 摹擬不減子長

許懋

許懋業藝以經。筭見推。亨懷道好古。以博覽歸譽。其所以析議封
禪求英僧辯。正直存焉。豈唯文義而已。古人云。仁者有勇。斯言近
之。

許氏大節。光照史乘。見之下拜不已。

陳伯之陳慶之

陳伯之雖輕狡為心而勇勁自立其累至爵位蓋有由焉及喪亂既平去就不已卒得其死亦為幸哉慶之初同營雀之游終懷鴻鵠之志及乎一見任委長驅伊洛前無強陣攻靡堅城雖南風不競晚致傾覆其所剋復亦足稱之蘭欽戰有先鳴位非虛受終逢鳩毒唯命也夫

慶之處囊穎見真豪傑之士也。豈二子所可同語。

[Faint bleed-through text from the reverse side of the page]

江子一陰子春杜崩王琳張彪

忠義之道安有常哉善言者不必能行蹈之者恒在所忽太清之
季名宦蓋微江則自致止軀貞勁之節歲寒自有性也子春戰乃
先鳴幽通有助及乎梁州之敗而以濯足為尤杜氏終致覆亡亦
云圖墓之外吉凶之兆二者豈易知乎王琳亂朝忠節志雪仇耻
然天方相陳義難弘濟斯則大厦落構豈一木所能支也張彪一
遇何懷死而後已唯妻及犬義悉感人記傳所陳何以加此異乎
出落洒然

陳列傳

陳宗室諸王

有陳受命雖疆土日蹙狀封建之典無革先王永脩等竝以疎屬
 列屋蕃屏慧紀始終之迹其殆優乎衡陽南康地皆懿戚提契以
 殞惟命也夫文宣二帝諸子不一鄱陽岳陽風迹可紀古所謂維
 城盤石叔慎其近之乎
 子孫賢愚未可盡歸之封建之失南北朝祚同於電先石火雖
 傲宗不乏而賢藩輩出亦國之幸也

風幹寔挺。

胡穎徐度杜稜周鐵武程靈洗沈恪陸子隆錢道戢駱文牙孫

瑒徐世譜周敷荀朗周炅魯悉達蕭摩訶任忠樊毅

梁氏云季運屬雲雷陳武帝杖旗掃難經綸伊始胡穎徐度杜稜

周鐵武程靈洗等或感會風雲畢力驅馳之日或擢自降附乃贊

興王之始咸得配享清廟豈徒然哉沈恪行己之方不踐非義之

迹子隆持身之節無失事人之道仁矣乎錢道戢駱文牙孫瑒徐

譜周敷荀朗周炅魯悉達廣達蕭摩訶任忠樊毅等所以獲用當

年其道雖異至於功名自立亦各因時當金陵覆沒抑惟天數然

任忠興亡之義無乃致虧與夫蕭魯所行固不同日持此百心而

事○二○主○欲○求○取○信○不○亦○難○乎○首○領○獲○全○亦○為○幸○也○
曹石帆曰獎忠黜詐嚴辨凜狀

趙知禮蔡景歷宗元饒韓子高華皎劉師知謝岐毛喜沈君

理陸山才

趙知禮蔡景歷屬陳武經綸之日屋文房書記之任此乃宰齊之
初傳亮王儉之職若乃校其才用理不同年而卒能膺務濟時蓋
其遇也希祥勞臣之子才各自致迹涉便佞貞介所羞元饒始終
任遇無虧公道名位自卒其殆優乎子高權重為戮亦其宜也華
皎經綸云始既竭元功殷憂之辰自同勁草雖致奔敗未足為非
師知送往多闕見忌新主謀人之義可無慎哉然晚遇誅夷非其
過也毛喜逢時遇主好謀而成見廢昏朝蒙致公輔惜矣沈陸所

以見重固亦雅望之所致焉
揮派蕪蕩等乎旭書懷草

沈炯虞荔傳緯顧野王姚察

沈炯才思之美足以繼踵前良然仕於梁朝年已知命主非不文而位裁邑宰及於運途交喪驅馳戎馬奇所在稱美用捨信有時焉虞荔弟兄才行兼著崎嶇喪亂格言保茲貞一竝取貴時主豈虛得乎傳緯聰警特達才氣自負行之平日其猶殆諸處以危邦死其宜矣顧姚栖託藝文瑠履清直文質彬彬各踐通賢之域美矣乎陳長文曰伸感遇抑負矜矯世勵俗之思高寄言外

循吏

昔漢宣帝以為政平訟理其惟良二千石乎前史亦云令之郡守古之諸侯也故長吏之職號曰親人至於道德齊禮移風易俗未有不由之矣宋武起自匹庶知人事艱難及登庸作宰留心吏職而王略外舉未遑內務奉師之費日耗千金播茲寬簡雖所未暇而黜已屏欲以儉御身左右無幸謁之私閨房無文綺之飾故能戎車歲駕邦甸不擾文帝幼而寬仁入纂大業及難興陝服六戎薄伐興師命將動在濟時費由府寔事無外擾自此方內晏安吐庶蕃息奉上供徭止於歲賦晨出暮歸自事而已守宰之職以六

期為斷。雖沒世不徙。未及曩時。而人有所係。吏無苟得。家給人足。即事雖難。轉死溝渠。於時可免。凡百戶之鄉。有市之邑。歌謠舞蹈。觸處成群。蓋宋世之極盛也。暨元嘉二十七年。舉境外。埤於是。傾資掃蓄。猶有未供。沃賦厚歛。天下騷動。自茲迄於孝建。兵連不息。以區區江東。蕞爾迫隘。存之以師旅。因之以凶荒。向時之盛。自此衰矣。晉世諸帝。多處內房。朝宴所臨。東西二堂而已。孝武末年。清暑方構。及永初受命。無所改作。所屋唯稱西殿。不制嘉名。文帝因之。亦有合殿之稱。及孝武承統。制度滋長。大馬餘菽。粟土木衣綈。繡迨陋前規。更造正光。玉燭紫極。諸殿彫采。綺節珠窓。網戶嬖女。

幸臣賜傾府藏。竭四海不供其欲。殫人命未快其心。明皇繼祚。彌薦浮侈。恩不卹下。以至橫流。莅人之官。遷變歲屬。突不得黔。竈未暇暖。蒲密之化。事未易階。豈徒吏不及古人。乘於昔。蓋由為上所擾。致化莫從。齊高帝承斯奢。縱輔立幼主。思振人瘼。風移百城。為政末期。擢山陰令。傅琰為益州刺史。乃損華反樸。恭已南面。道人以躬意存。勿擾以山陰大邑。獄訟繁滋。建元三年。別置獄丞。與建康為比。永明繼運。垂心政術。杖威善斷。猶多漏網。長吏犯法。封不行誅。郡縣居職。以三周為小。滿水旱之灾。輒加振卹。十許年中。百姓無犬吠之驚。都邑之盛。士女昌逸。歌聲舞節。袵服華糶。桃花綠。

水之問。秋月春風之下。無注非遠。明帝自在布衣。達於吏事。及屋
宸。宸專務刀筆。未嘗枉法。申恩守宰。由斯而震。屬以魏軍入伐。壇
場大擾。兵車連歲。不遑啟居。軍國糜耗。從此哀矣。繼以昏亂。政由
群孽。賦調雲起。徭役無度。守宰多倚伏權門。互長貪虐。哀刻聚歛。
侵擾黎甿。天下搖動。無所措其手足。梁武在田。知人疾苦。及定亂
之始。仍下寬書。東昏時雜調咸悉。除省於是。四海之內。始得息肩。
及踐皇極。躬覽庶事。日吳聽政。求瘼卹隱。乃命輔軒以省方俗。置
肺石以達窮人。勞已所先。事唯急病。元年始。太人貨計。丁為布。在
身服浣濯之衣。御府無文錦之飾。太官常膳。唯以菜蔬。圖案所陳。

不過三盞。蓋以儉先海內也。故每選長吏。務簡廉平。皆召見於前。
親勗政道。始擢尚書殿中郎。到溉為建安內史。左戶侍郎。劉劭為
晉安太守。溉等居官。註以廉潔著。又著令。小縣有能。遷為大縣令。
大縣有能。遷為二千石。於是山陰令丘仲孚有異績。以為長沙內
史。武陵令何遠清公。以為宣城太守。劄符為吏者。徃徃承風焉。斯
亦近代獎勸之方也。案前史各主循吏傳。序其德。美令。茲擬采其
事。以備此篇云。

施禮進曰。敦厚密嚴。典雅古勁。兼漢魏之長。斯古史籍之鉅篇
也。

儒林傳

語云上好之下必有甚焉者。是以鄒纓齊紫且以移俗。况祿在其
 中。可無尚歟。當天監之際。時主方崇儒業。如崔巖何伏之徒。前後
 互見。升寵於時。四方學者靡然向風。斯亦曩時之盛也。自梁迄陳。
 年且數十。雖時經屯詖。郊生戎馬。而風派不替。豈俗化之移人乎。
 古人稱尚德若風。下應猶草。美矣。豈斯之謂也。

張友中曰明潔秀遠。語無滯態。

孝義傳

自洗風一起人倫毀薄蓋抑引之教導俗所先變里旌閭義存勸
獎是以漢世士務脩身故忠孝成俗至於乘軒服冕非此莫由晉
宋以來風衰義缺刻身厲行事薄膏腴若使孝立閭庭忠被史策
多發溝畎之中非出衣簪之下以此而言教不亦卿大夫之耻
乎

曹荊岫曰義存匡矯詞尚風美三復斯言令人遷愛嗜而從之

之下。斯竝向時隱淪之徒歟。今竝綴緝以備隱逸篇焉。又齊梁之際。有釋寶誌者。雖處非顯晦。而道合希夷。求其行事。蓋亦俗外之徒也。故附之云。

陳竟茲曰。錦心繡口。曲盡形容。

恩倖傳

夫鮑魚芳蘭。在於所習。中人之性。可以上下。然則謀於管仲。齊桓有邵陵之師。通於易牙。小白掩陽門之扇。夫以霸者一身。且有汗隆之別。况下於此。胡可勝言者乎。故古之哲王。莫不斯慎。自漢氏以來。年且千祀。而近習用事。無乏於時。莫不官由近親。情因狎重。至如中書所司。掌在機務。漢元以令僕用事。魏明以監令專權。在晉中朝。常為重寄。故公魯之嘆。恨於失職。於時舍人之任。位居九品。江左置通事郎。管司詔誥。其後郎還為侍郎。而舍人亦稱通事。元帝用琅邪劉赳。以謹慎履職。宋文世秋。當周赳。竝出寒門。孝武

以來士庶雜選如東海鮑照以才學知名又用魯郡巢尚之江夏
王羲恭以為非選帝遣尚之送尚書四十餘牒宣敕論辯羲恭乃
嘆曰人主誠知人及明帝世胡母顥阮佃夫之徒專為佞倖矣齊
初亦用久勞及以親信闕讞表啟署詔敕頗涉辭翰者亦為詔
文侍郎之局復見侵矣建武世詔命始不關中書專出舍人省內
舍人四人西直四省其下有主書令史舊用武官宋改文吏人數
無負莫非左右要密天下文簿板籍入副其省萬機嚴秘有如尚
書外司領武官有制局監外監領器仗兵役亦用寒人爰及梁陳
斯風未改其四代之被恩倖者令立以為篇以繼前史之作云爾

沈無謀曰不屋要密安成恩倖但於量授之義無當焉耳是以
明主慎之

海南諸國

海南諸國大抵在交州南及西南大海洲上相去或四五千_{漢有兩伏波}里遠者二三萬里其西與西域諸國接漢元鼎中遣伏波將軍路博德開百越置日南郡其徼外諸國自武帝以來皆朝貢後漢桓帝世大秦天竺皆由此道遣使貢獻及吳孫權時遣宣化從事朱應中郎康泰通焉其所經過及傳聞則有百數十國因立記傳晉代通中國者蓋鮮故不載史官及宋齊至梁其奉正朔脩貢職航海往○往○至○矣○今○采○其○風○俗○粗○著○者○列○為○海○南○云○

沈調象曰從前代說來有根據住亦不促

賊臣傳

侯景起於邊服。備嘗艱險。自北而南。多行狡筭。於時江表之地。不見干戈。梁武帝以耄期之年。溺情釋教。外弛藩籬之固。內絕防閑之心。不備不虞。難以為國。加以姦回在側。貨賄潛通。景乃因機。詐肆行矯。慝王偉為其謀主。飾以文辭。武帝溺於知音。惑茲邪說。遂使乘祔直濟。長江喪其天險。揚旌指闕。金墉亡其地利。生靈塗炭。宗社丘墟。於是村屯鳴壁之豪。郡邑巖穴之長。恣陵侮而為暴。資剽掠以為雄。陳武應期撫運。戡定安輯。熊曇朗周迪留異陳寶應等。雖逢興運。未改迷塗。志在亂常。自致夷戮。亦其宜矣。

陳竟茲曰。木腐虫生。堤漏蟻穴。引奸揖逆。誰寔為之。子輿罪拜。良有以也。

二十一史論贊目錄

古吳 沈國元飛仲 批選 子 沈 琦韓來 較



光山 周士璠遂明 全閱 漢陽 戴 率祖 耀祖 全叅

周士璣大周 揚祖 似祖

北史

齊本紀

齊本紀上

魏諸宗室

上谷公紇羅武陵侯日望都公頽曲陽侯素延六修吉陽男

北千武衛將軍謂寔君秦王翰常山王遵陳留王虔毗陵
王順遼西公意烈窟咄

明元六王大武五王

景穆十二王

文成五王孝文六王

長孫嵩長孫道生長孫肥

崔暹王憲封懿

伊敏周幾豆代田周觀尉撥注真呂洛拔薛彪子

宋隱許彥

盧玄盧柔盧觀盧同盧誕

高允

崔鑿崔辯崔挺

李靈李順李孝伯李褒李義深

張湛段承根關駟劉延明趙柔索敞宋繇江式

奚康生楊大眼崔延伯李叔仁

楊播楊敷

邢巒

祖瑩

念賢梁覽雷紹毛遐乙弗朗

辛雄高道穆

竇泰尉景晏昭庠狄干韓執

房謨敬顯雋平鑿唐邕白建元文遙趙彥深赫連子悅馮子

琮即基

魏收魏長賢魏季景

韋孝寬柳糾

申徽陸通庠狄峙揚薦王慶植劉植昶王悅趙文表

段文振羅暉周法尚

傳

外戚

儒林

文苑

孝行

節義

循吏

酷吏

藝術

列女
四夷

北史目畢

二十一史論贊北史

唐 李延壽 著 明 沈國元 閱

齊本紀

昔魏氏失馭中原蕩析齊神武爰從晉部大號異方屢戰剪凶
徒一麾以清京洛尊主匡國功濟天下既而魏武帝規避權逼曆
數既盡造所以速關河之分焉文襄嗣膺霸道威略昭著內除姦
逆外拓淮夷擯斥貪殘存情人物而志在峻法急於御下於前王
之德有所未同蓋天意人心好生惡殺雖吉凶報應未嘗影響總
而論之積善多慶然文襄之禍生所忽蓋有由焉

二十一史論贊

卷二十一齊本紀

一

大來堂

張挹婁曰自出裁制可醒嗜殺之人

魏諸宗室

上谷公紇羅武陵侯因望都公頽曲陽侯素延六脩吉陽南
比于武衛將軍謂寔君秦王翰常山王遵陳留王虔毗陵王
順遼西公意烈窟咄

魏氏自幽都肇基帝業上谷公等分枝若木派天潢或績預經
綸大開土宇或迹同凶悖自致殲夷其禍福之來唯人所召至如
神武之不事黃屋高揖萬乘義感隣國祚隆帝統太伯延陵未足
多也高諒讓國之胤子那猛壯之風或大位未加或功不贖罪褒
德圖勞其義為闕松滋氣幹相承鼓迹俱顯天穆得不以道任過

其量持盈必悔。殺身為幸。武衛父子兼將五略。始見器重。終以姦
棄不之觀矣。河間扶風。武烈宣著。宗子之可稱乎。衛王英風猛擊。
折衝見重。謀之不減。卒以自喪。秦王體度恢偉。陳留膽氣絕倫。止
身強冠。志力不展。惜哉。常山勇冠。威屬與魏。并降亦以優乎。陰平
忠烈。蒲陰器宇。榮寵兼萃。蓋有由焉。毗陵踈恨。遼西獨介。全身保
位。固亦難矣。符堅之輟寔君。衛辰之誅窟咄。逆子賊臣。蓋亦天下
之惡一焉。

沈公雅曰。叙置雄勁。

明元六王太武五王

樂平樂安俱以將領自効。竟以憂迫而逝。驗克終之為鮮。莊王才
力智謀。一時之傑。與夫建寧新興。不同日也。太武之子。秦晉才賢。
而翰之遇酷。倚伏豈可量矣。臨淮之後。或為盛德。廣陽之世。嘉寔
為美。溪之見惡於元徽。所謂盜憎之義。余之見殺。不其晚歟。
陳竟茲曰。不屑屑比勘。而軒輕了狀。

景穆十二王

平陽諸子、熙、乃忠、壯、京兆之胤、恠、寔有、敬、匡之、蹇、直、有、足、稱、矣、
稱矣以下皆錄舊文故不載

平陽諸子、熙、乃忠、壯、京兆之胤、恠、寔有、敬、匡之、蹇、直、有、足、稱、矣、

文成五王孝文六王

文成五王安豐特標令望。延明學業該膽。加以雅談之美。及於永
 安。運迹冠戎。卒致奔亡。亦其命也。庶人險暴之性。自幼而長。終以
 廢黜。不得其終。斯乃朱均之性。堯舜不能訓也。京兆早有令問。晚
 致傾覆。習於所染。可不慎乎。清河器識才譽。以懿親作輔。時鍾也
 鼓。始造墻茨之逼。運屬道消。晚扼兇權之手。悲哉。廣平早歲驕盈。
 汝南性致狂逸。揆其終始。俱不足論。而悅以天人所棄。卒嬰猜懼
 之毒。蓋地逼之尤也。魏自西遷之後。權移周室。而周文天縱寬仁。
 性罕猜忌。元氏戚屬。竝見保全。內外任使。布於列職。孝閔踐祚。無

文成

五

替前緒明武績業亦遵先志雖天厭魏德鼎命已遷枝葉榮茂足以愈於前代矣

張友中曰保全錄用勝國之胤盛德可駕商周堪為萬世法

長孫嵩長孫道生長孫肥

昭成之末衆叛親離長孫嵩寬厚沈毅任重王室歷事累世邈為元老生則宗臣歿祀清廟美矣儉器識明允智謀通瞻堂堂焉有公輔之望寥寥焉有王臣之節而處朝廷之日少在方岳之日多何哉平識具該通出內派譽取諸開物成務蓋亦有隋之攘桷也道生恭慎廉約兼至威名見知明主聲入歌奏二公並列暉炫朝堂門社世祿榮被後昆雖漢世八王無以方其茂績張氏七葉不能譬此重光子彥勇烈純倫結遠樂聲特妙熾乃早稱英俊覽乃獨擅雄辯不然則何以竝統師旅俱司禮閣鐘鼎不墜且公且侯

晟體資英武。兼抱奇略。因機制變。懷彼戎狄。傾巢盡落。屈膝稽顙。塞垣絕鳴鏑之旅。渭橋有單于之拜。惠流邊朔。功光王府。保茲世祿。不亦宜乎。

汪賓陽曰。門伐之盛。史冊罕儔。

崔暹王憲封懿

崔暹文學器識。當年之俊。忽微慮遠。俱以為灾。王憲名公之孫。老見優異。元景昆季。履道標映。人倫羨哉。封懿獲全為幸。回克光家世。可謂載德者矣。

許積伯曰。頓挫生風。收放無迹。

伊敵周幾豆代田來大于周觀尉撥陸真呂洛拔薛彪子
娥清伊敵俱以材力見用而敵以謀猷取異其殆優乎周幾之智
勇代田之騎射位遇豈徒然也周觀尉撥陸真呂洛拔等咸以勇
毅自進而觀竟致貶黜異夫教子者矣薛彪子世載強正曇珍克
盛家聲美矣乎
張堯文曰高挺

宋隱

宋隱操行貞白。遺略榮名。宣情竝保。遐素咸見。徵辟可謂德門者矣。義和以才度見知。迹恭顧命。拔萃出類。當有以哉。無子之嘆。豈徒羊舌宗祀不亡。蓋其幸也。

歷落有餘情。

[Faint bleed-through text from the reverse side of the page, including characters like '宋隱', '操行', '貞白', '遺略', '榮名', '宣情', '竝保', '遐素', '咸見', '徵辟', '可謂', '德門', '者矣', '義和', '以才', '度見', '知', '迹', '恭', '顧命', '拔萃', '出類', '當有', '以哉', '無子', '之嘆', '豈', '徒', '羊舌', '宗祀', '不亡', '蓋其', '幸也']

盧玄 盧柔 盧觀 盧同 盧誕

盧玄緒業著聞。首應旌命。子孫繼迹。為世盛門。其文武功烈。殆無
 足紀。而見重於時。殺高冠帶。蓋德業儒素。有過人者。伯源兄弟。亦
 有二方之風流。雅道家聲。諸子不逮。昌衡雅素之紀。堂構無虧。子
 劉使酒誕節。蓋亦明珠之類。伯舉仲宣。文雅俱邵。文偉望重地華。
 早有志尚。間闕夷險之際。終遇英雄之主。雖禮秩未弘。亦為佐命
 之一也。詢祖辭情艷發。早著散名。負其才地。肆情矜矯。位遇未聞。
 弱年天逝。若得終介眉壽。通塞未可量焉。子章殘忍為志。咎之徒
 也。景裕兄弟。雅業可宗。雖擇木異邦。而立名俱劬。辯損益成務。其

殆優乎。勇雖文武異趣。各其美也。賁二三其德。雖取悅於報已。而移之在我。亦安能其罵人。見遺末路。尚何足怪。誕不殞儒業。亦足稱云。

周尚樸曰。鑑衡入微。亦有補苴之法。

高允傳

高允踐危禍之機。抗雷電之氣。處死夷然。忘身濟難。卒悟明主。保已全名。自非體隣知命。鑒昭窮達。亦何能若此。宜光寵四世。終享百齡。有魏以來。斯人而已。僧裕藝用。有聞聿脩之義。世禮貪而無道。能無及乎。子集學業優通。知名前世。儒俊之風。門舊不殞。德正受終之際。契叶亂臣。雖鍾淫虐。而名亦茂矣。

雋爽

崔鑒崔辯崔挺

崔鑒以文業應利用之科。世家有業。餘慶不已。人位總執。亦為盛哉。辯器業著聞。位不遠到。逸德優官。薄仍世恨之。模雄壯之烈。惜忠貞之操。殺身成義。臨難如歸。非大丈夫。亦何能若此矣。士謙昆弟。非唯武毅見重。忠公之稱。亦足嘉云。挺兄弟風操。高亮懷文。抱質。歷事著聞。見重朝野。繼世承家。門族竝著。市朝可變。人馬不絕。至若崔猷。立朝贊務。則嘉謀屢陳。出撫宣條。則威息且舉。仲方之兼資文武。雅長謀筭。伐陳之策。信為深遠。奕世載德。夫豈徒然。昂智。足立功。能足幹事。霸朝委遇。良有以焉。而謝彼仁心。安茲苛政。

晚途遭躓。理其宜也。季舒蹈龍逢之節。季倫受分庭之遇。雖遭逢異日。得喪不同。考其遺迹。而榮名一也。蓋所謂彼有人焉。李華仲曰。多大節可觀。世乘之表表者。

李靈李順李襲李義深

李靈兄弟。一時推重。孝伯能克廣門業。道風不殞。餘慶之美。豈非此之謂乎。至如元忠之個儻從橫。功名自卒。季初之家風素業。昆季兼舉。有齊之日。雅道方振。憲之子弟。特感衣纓。豈唯戚里。是憑固亦文雅所得。諡之高逸。固可謂世有人焉。義深弟兄。人位兼美。子雄才官不替。門緒茂矣。厥毅皇皇。可當雅奏。

張湛既承根闢駟劉延明趙柔索敬宋繇江式
張湛既承根闢駟劉延明趙柔索敬皆通涉經史才志不群價重
西州有聞東國故流播之中自拔泥滓人之不可以無能信也宋
繇處屈能伸終致顯達遊道剛直自立任使為累江式能世其業
亦足稱云
方伯遠曰總叙處有雲與霞舉之致更為難能

二十一史論贊 卷二十一 張湛 十四 大來堂

奚康生揚大眼崔延伯李叔仁

夫人主聞鞀鼓之響。則思將帥之臣。何則。夷難平暴。折衝禦侮。為國之所繫也。奚康生等俱以熊席之姿。奮征伐之氣。亦一時之驍猛壯士之功名乎。

吳橫溪曰。發端結束。有遠體遠神。

楊愔公望文思

愔雅道風流。早同標致。公望人物所推。夫處亂唐之世。當機衡之重。朝有善政。是也。及寄天下之命。託六尺之孤。旬朔未幾。身居辱進。不能送往事。居觀幾衛主。退不能保身全名。辭寵招福。朝廷之釁。既已仗義。斷恩。猜忌之徒。無容推心受亂。是知變通之術。非所長也。文思能以爵讓。其殆仁乎。

嚴蔚宗曰。周儻磊落。愛其英多。

邢子才

子才少有盛名。鼓動京洛。文宗學府。獨秀當年。舉必任真情。無飾智。疎通簡易。罕見其人。足為一代之模楷也。及明崔悛之謗言。執侯景之姦使。昔人稱孟軻為勇。於文簡公見之。唯嘗短崔暹。頗為累德。阮籍未嘗品藻人物。斯亦良有以焉。石必廉曰。頌不忘規。古史皆然。

祖孝徵叔鸞元景

孝徵雋才雖多適足敗國叔鸞器懷清峻元景才幹知名茲匡佐
齊初一時推重美矣哉。

譚元孩曰晴巒瀉瀑瑩淨如練二子為一時名佐祖瑩可謂有
後矣。

念賢梁覽雷紹毛選乙弗朗

念賢有始有卒。取敬群公。梁覽終以取禍。鮮克之義。雷紹馳騫雲
雷之秋。毛選兄弟。致力經綸之日。乙弗朗展轉擾攘之中。卒獲歸
順美矣。

郭千仞曰似整似散文致旖旎

辛雄高道穆

辛雄更能歷職琛以公方行已懷哲體有清監德源雅業無虧
素門之所得也道穆兄弟有政事之用亦可稱矣
具此才品史不恐沒

齊宗室諸王

思好屬昏亂之機。歸彥因猜嫌之釁。咫尺鄴都。以速其禍。智小謀大。理則宜狀。神武諸王。多有聲譽。永安以諫爭遇禍。固齊室之比干。彭城泣人布政。乃與循良比迹。求之近古。未為易遇。上黨申威。淮海受辱。牢牢以英俠之氣。迫悲歌之思。欲食藜藿之羹。處茅茨之下。其可得乎。馮翊廉慎。開明。妄被讒慝。以武成陰忌之朝。而見免。夫角弓之刺。已為幸矣。情高氣爽。酣飽而止。

二十一 史記卷二十一 賈奉

賈奉尉景妻昭庫狄于韓軌

賈奉尉景妻昭庫狄于韓軌等注以外戚近親屬雲雷之舉位非

寵進功藉勢成附翼攀鱗特為佐命之首定遠以常人之才而因

趙郡忠正將以志除朝蠹謀逐佞臣而信納姦凶反受其亂遂使

庸豎肆毒賢戚見誅敗政害時莫大於此鄙語曰利以昏智况定

遠痛非智者乎

美輕刺重書法可味

二十一 史記卷二十一 賈奉 二十二 大來堂

房謨顯雋平鑒唐邕白建元文選趙彥深赫連子悅馮子琮

即基

房謨忠勤之操。始終若一。恭懿循梁之風。可謂世有人焉。顯雋明
達文武。驅馳盡其智力。不遑寧處。可謂德以稱位。能以稱官。道和
爰從霸府以終。末路四十餘載。典綜兵機。識用閑明。甚為朝臣所
服。及於後主奔遁。莫知所之。首贊延宗。以從權變。既而晉陽傾覆。
運極途窮。還鄴則義隔德昌。死事則情乖舊主。雖復全生握節。豈
比背叛之流歟。夫縣宰之寄。綿歷古今。親人任功。莫尚於此。漢氏
官人。尚書即出宰百里。晉朝設法。不宰縣。不得為郎。皆所以貴方

城之職重。臨人之要。後魏令長多選舊令史為之。故縉紳之流。耻居其位。爰逮有齊。此途未改。寧都公革斯流弊。弘之在人。固為美矣。司徒器度沈遠。有宰臣之量。始從文吏。終致台輔。出內有常。夷險若一。而世人論之。胡廣譏其不能廷爭。然古稱見幾而作。又曰相時而動。若時有開悟。或可希舜一功。而終遇姦回。便恐舟壑俱運。斯蓋趙公之志也。子悅牧宰流譽。子琮薄領見知。及履藻鏡。俱稱尸祿。馮溺於賄貨。於斯為盛。慈明赴蹈之義。蓋有啣鬚之節。即基政績有聞。蔚之克荷堂構。美矣乎。為道和司徒開說。意主原心。然終屬怨華矣。

魏收魏長賢魏季景

伯起少頗踈放。不拘行檢。及折節讀書。鬱為偉器。學博今古。才極縱橫。體物之旨。尤為富贍。足以入相如之室。游尼父之門。勒成魏籍。追蹤班馬。婉而有則。繁而不蕪。持論序言。鈞深致遠。但意存寔錄。好抵陰私。文人猫病至於親故之家。一無所說。不平之議。見於斯矣。王松年李庶等並論正家門。未為謗議。遂憑附時宰。鼓動淫刑。庶因鞭撻而終。此公之失德。長賢思樹風聲。抗言昏俗。有朱子游之風。季景父子雅業相傳。抑弓冶之義也。顧諟明曰為寔錄。亦為確論。

二十一史論贊 卷二十一 魏收 二十四 大來堂

唐

李延壽

著

明

沈國元

閱



列傳

韋孝寬

高氏籍四胡之勢。跨有山東。周文承二將之餘。創基闢右。似高周之不敵。若漢楚之爭雄。又連官渡之兵。未定鴻溝之約。雖弘農沙苑。齊卒先奔。而河橋北芒。周師撓敗。於是競圖進取。各務兵戈。齊謂兼并有餘。周則自守不足。韋孝寬奇材異度。緯武經文。居要害之地。受干城之託。東人怙恃其衆。悉力來攻。將欲釀酒未央。飲馬

清渭孝寬迺馮茲雉堞抗彼仇讐事甚折骸勢危負戶終能奮其
智勇應變無方城守六旬竟摧大敵齊人既焚營宵遁高氏遂忿
恚而殂雖即墨破燕晉陽存趙何以能尚若使平陽不守鄴城無
衆人之師玉壁啟關函谷失封泥之固斯豈一城之得喪寔亦二
國之興亡者歟常憂隱不負人貞不絕俗怡神墳籍養素丘園哀
樂無以動其心名利不足干其慮確乎不拔寔近代之高人也明
帝此諸園綺豈徒然哉

劉彥先曰敬雄節勁堪敵金戈錢馬

申徽局量深沉文之以經史陸通鑒悟明敏飾之以溫恭竝夙奉
龍顏早蒙任遇効宣提戟功預披荆義結周旋恩生契濶遂得入
居端揆出撫列藩雖以識用成名抑亦情兼惟舊陸逞於戎狄之
際以文雅見知出境播延譽之能莅官著從政之美歷居顯要豈
徒然哉庫狄峙建和戎之功揚荐成入關之策趙劄之克剪凶狡
趙昶之懷服氏羗王悅之料侯景文表之譎突厥或明稱先覺或
識表見機觀其立功立事皆一時志力之士也
竝起齊牧有鷗立鴻驚之度中用單甲過落如鋒腰鶴膝使人

莫測

徐招檀蕭孟信

徐招檀蕭孟信各以才學自業又加以清介竝志能之士也
才人清介更可紀

段文振周羅睺周法尚

段文振有周之日。早以武毅見知。隋氏之初。又以幹力受委任。兼文武。稱為諒直。其高位厚秩。非虛致也。羅睺忠亮之性。所在稱重。送往之節。義感人臣。死而有知。乃結草之義。法尚征伐四夷。亦是嘉焉。

周介生曰。取其直義忠勞。所謂立乎其大者。

外戚傳

魏道武初，賀訥有部眾之業，翼成皇祚。其餘或以勞勤，或緣恩澤，齊氏后妃之族，多自保全。胡長仁以譖訖貽禍，斛律光以地勢被戮，俱非女謁盛衰之所致也。婁昭自以佐命之功，崇其名器，且霸業權輿，時方同德，陵暴之釁，因茲而起。其靖德昭訓二門，竝良家遺孽，守死無暇，固不足涉言。又子非繼世，權難妄假，昭信非惟素門履道，訖搆廢辱，威望之地，自致無由。有周御歷，后門初無與政，既而末跡竊權，竟移鼎壘。斯乃西漢覆車之轍，魏文所以汲誠。隋文潛躍之初，獻后便相推轂，煬帝大橫方兆，蕭妃密勿經綸。是以

恩禮綢繆。始終不易。然外內親戚。莫預朝權。昆弟在位。亦無殊寵。至於居檀玉堂。家稱金穴。暉光戚里。熏灼四方。將三司以比儀。命五侯而同拜者。終始一代。寂無聞焉。考之前王。可謂矯其弊矣。故雖時經擾攘。無有偏於不義。市朝選賢。而皆得以保全。比夫憑藉寵私。階緣恩澤。乘其非據。旋就顛隕者。豈可同日而言哉。此所謂愛之以禮者也。案外戚。魏書有賀訥。劉羅辰。姚黃眉。杜超。賀迷。閻毗。馮熙。李峻。李惠。高肇。于劬。胡國珍。李延寔。齊書有趙猛。婁叡。朱文暢。鄭仲禮。李祖昇。元蠻。胡長仁。周書不立此篇。隋書有獨孤羅。蕭歸。今以劉羅辰。李峻。于劬。李延實。婁叡。朱文暢。鄭仲禮。李祖昇。元蠻。獨孤羅。蕭歸。命附其家傳。其餘並入此篇。又檢楊騰。乙弗繪。附之魏末。以備外戚傳云。

愛之以禮。可為待戚臣之定法。

儒林傳

遠惟漢魏。碩學多清通。逮乎近古。巨儒多鄙俗。文武不墜。弘之在人。豈獨愚蔽於當今。而皆明哲於往昔。在乎用與不用。知與不知耳。然曩之弼諧庶績。必舉德於鴻儒。近代左右邦家。咸取士於刀筆。縱有學優入室。勤踰刺股。名高海內。擢第甲科。若命偶時來。未有望於青紫。或數將運舛。必見棄於草澤。然則古之學者。祿在其中。今之學者。困於貧賤。明達之人。志識之士。安肯滯於所習。以求貧賤者哉。此所以儒罕通人。學多鄙俗者也。至若劉焯。德冠搢紳。數窮天象。既精且博。洞究幽微。鉤深致遠。源流不測。數百年來。斯

一人而已。劉炫學寔通儒，才堪成務。九流七略，無不該覽。雖探賾索隱，不逮於焯。裁成義說，文雅過之。竝時不我，與餒棄溝壑。斯乃子夏所謂死生有命，富貴在天。天之所與者聰明，所不與者貴仕。上聖且猶不免焯炫，其如命何。孝籍徒離騷，其文尚可救也。宇騷憤激，庶幾洩之於文。

文苑傳

夫人有六情，稟五常之秀，情感六氣，順四時之序。蓋文之所起，情發於中，而自漢魏以來，迄乎晉宋，其體屢變，前哲論之詳矣。暨永明天監之際，太和天保之間，洛陽江左，文雅尤盛。彼此好尚，互有異同。江左宮商發越，貴於清綺。河朔詞義貞剛，重乎氣質。氣質則理勝，其詞清綺，則文過其意。理深者便於時用，文華者宜於詠歌。此其南北詞人得失之大較也。若能擬彼清音，簡茲累句，各其所短，合其兩長，則文質彬彬，盡美盡善矣。梁自大同之後，雅道淪缺，漸乖典則，爭馳新巧。簡文湘東，啟其淫放。徐陵庾信，分路揚鑣。其

意淺而繁其文匿而彩詞尚輕險情多象思格以延陵之聽蓋亦
亡國之音也隋文初統萬幾每念斷彫為樸發號施令咸太浮華
然時俗詞藻猶多淫灑故憲臺執法屢飛霜簡煬帝初習藝文有
非輕側豎乎即位一變其體與越公書建東都詔冬至受朝詩及
擬飲馬長城窟竝存雅體歸於典制雖意在驕淫而詞無浮蕩故
當時綴文之士遂得依而取正焉所謂能言者未必能行蓋亦君
子不以人廢言也爰自東帝歸秦逮乎青蓋入洛四隩咸泉九州
吹同江漢英靈燕趙奇俊竝該天網之中俱為大國之寶言刈其
楚片善無遺潤水圓派不能十數才之難也不其然乎時之文人

見稱當時者則齊人范陽盧思道安平李德林河東薛道衡趙郡
李元操鉅鹿魏澹陳人會稽虞世基河東柳詵高陽許善心等或
鷹揚河朔或獨步漢南俱騁龍光竝驅雲路矣魏書序袁躍裴敬
憲盧觀封肅邢滅裴伯茂邢昕溫子昇為文苑傳今唯取子昇其
餘竝各附其家傳齊書叙祖鴻勳李廣樊遜劉逖荀士遜顏之推
為文苑傳今唯取祖李樊荀其餘亦各附其家傳周書不立此傳
今取王褒庾信列於此篇顏之推竟從齊入周故列在王庾之下
顏之儀暨之推之弟故列在之推之末隋書序劉臻崔儼王頊諸
葛穎王貞孫萬壽虞綽王胄庾自直潘徽為文學傳今檢崔儼王

文苑傳 卷之九 文苑

類孫萬壽各從其家傳其餘編之此篇并取虞世基許善心柳誓
明克讓冠之於此以備文苑傳云
可謂清綺

孝行傳

案魏書列趙琰長孫慮乞伏保孫益德董洛生楊引闡元明吳悉
達王緒生李顯達倉跋張昇王崇郭文恭為孝感傳周書列李崇
柳檜杜井毗荆可秦族皇甫遜張元為孝義傳隋書列陸彥師田
德懋薛濬王頌田翼楊慶郭世俊鈕因劉士雋即方貴翟普林李
德饒華秋精悉徐孝肅為孝義傳今趙琰李崇柳檜杜叔毗陸彥師李
德饒入別傳及其家傳其餘竝從此編緝以備孝行傳云
分明有體有法

節義傳

自魏訖隋年餘二百若迺歲寒見松柏疾風知勁草千載之後慄
 慄猶生豈獨聞彼伯夷懦夫立志亦冀將來君子有所庶幾魏書
 序于什門段進石文德汲固王玄成婁提劉涓侯朱長生馬八龍
 文門愛晁清劉侯仁石祖興邵洪哲王榮世胡小彪孫道登李几
 張安祖王問以為節義傳今又檢得毗瑛沓龍超乙速孤佛保及
 周書孝節傳李崇杜叔郭附之又案齊書不立此篇而隋書序劉
 弘皇誕游元馮慈明張須陁楊善會獨孤盛元文都盧楚劉子翊
 堯君素為誠節傳今馮慈明獨孤盛元文都各附其家傳其餘竝

附此篇又檢取隋書孝義傳即方貴郭世雋亦附之以備節義傳云

誠節節義分別了了風勸之意使人迴思

循吏傳

先王疆理天下司牧黎元刑法以禁其姦禮教以防其欲雖為政以德理寔殊塗百慮一致在斯而已書云知人則哲又云無曠庶官言非其人為空官也獻哲之后必致清明之臣昏亂之朝多有貪殘之吏嗜欲所召影響從之故五帝三王不易人而化皆在所由化之而已蓋有無能之吏無不可御之人焉自罷侯置守歷年永久統以方牧仍世相循所以寬猛為用庀人調俗但廉平常迹切中時弊有難高適時應務招響必速是故搏擊為侯起不旋踵懦弱貽咎錄用無時此則已狀於前世矣後之為吏與世沈浮叔季澆漓

姦巧多緒。居官莅職。道各不同。故往籍述其賢能。以彰懲勸之道。案魏立梁吏傳。有張恂。唐生張膺。宋世景。路邕。閻慶胤。明亮。杜纂。裴他。竇瑗。羊敦。蘇淑。齊立。循吏傳。有張華原。宋世良。郎基。孟業。崔伯謙。蘇瓊。房豹。路去病。周書不立此篇。隋循吏傳。有梁彥先。樊休略。趙軌。房蒸。懿。公孫景茂。辛公義。柳檢。劉曠。王伽。魏德深。其張恂。廉生。宋世景。裴他。羊敦。宋世良。郎基。崔伯謙。房豹。趙軌。房蒸。懿。各附其家傳。其餘皆依時代編緝。以俟循吏篇云。

描寫世風語堪刺骨。

酷吏傳

夫為國之體有四焉。一曰仁義。二曰禮制。三曰法令。四曰刑罰。仁義禮制。教之本也。法令刑罰。教之末也。無本不立。無末不成。然教化遠而刑罰近。可以助化。而不可以專行。可以立威。而不可以繁用。老子曰。其政察察。其人缺缺。又曰。法令滋章。盜賊多有。然則令之煩苛。吏之嚴酷。不可致化。百世可知。考覽前載。有時而用之矣。昔秦任獄吏。赭衣滿道。漢革其風。矯枉過正。禁網踈濶。遂漏吞舟。故大奸巨滑。犯義悖禮。卸都審成之倫。猛起奮發。摧拉凶邪。一切以救時弊。雖乖教義。或有可取焉。于洛侯之徒。前書編之酷吏。或

因餘緒或以微功。遭遇時來。忝竊高位。肆其褊性。多行無禮。君子
小人咸懼其毒。凡所莅職。莫不凜然。居其下者。視之如蛇虺。過其
境者。逃之如寇讎。與人之恩。心非好善。加人之罪。事非疾惡。其所
笞辱。多在無辜。察其所為。豺狼之不若也。其禁姦除猾。殆與郅甯
之倫。異乎。君子賤之。故編於酷吏。魏有于洛侯。胡泥。李洪之。高遵。
張赦。提羊祉。崔進。酈道元。谷楷。齊有郎珍。宋游道。盧斐。畢義雲。周
書不立此篇。隋書有庫狄士文。田式。燕榮。趙仲卿。崔弘度。元弘嗣。
王文同。今檢高遵。羊祉。酈道元。谷楷。宋游道。盧斐。畢義雲。庫狄士
文。趙仲卿。崔弘度。各從其家傳。其餘並列於此云。

吳人千曰。君子賤之一語。開人無限悔悟。

藝術

夫陰陽所以正時日順氣序者也。卜筮所以決嫌疑定猶豫者也。醫巫所以禦妖邪養性命者也。音律所以和人神節哀樂者也。相術所以辯貴賤明分理者也。技巧所以利器用濟艱難者也。此皆聖人無心因人設教救恤災患禁止淫邪自三五哲王其所由來久矣。昔之言陰陽者則有箕子禘竈禘慎子韋曉音律者則師曠師摯伯牙杜夔叙卜筮則史扁史蘇嚴君平司馬季主論相術則內史叔服姑布子卿唐舉許負語醫巫則文摯扁鵲季咸華佗其巧思則奚仲墨翟張平子馬德衡凡此諸君莫不揆靈入妙理洞

精微或弘道以濟時或隱身以利物深不可測固無得而稱矣近
古涉乎斯術者鮮有存夫貞一多肆其淫僻厚誣天道或變亂陰
陽曲成君欲或假託神怪熒惑人心遂令時俗祇訛不獲返其真
性身罹灾毒莫得壽終而死藝成而下意在茲乎歷觀經史百家
之言無不存夫藝術或叙其玄妙或記其迂誕非徒用廣異聞呼
以明乎勸戒是以後來作者咸相祖述自魏至隋年移四代至於
遊心藝術亦為多矣在魏則叙晁崇張深殷紹王早耿玄劉靈助
江式周澹李脩徐寒王顯崔彥蔣少遊以為術藝傳在齊則有由
吾道榮王春信都芳宋景業許遵吳遵世趙輔和皇甫玉解法選

魏寧慕母懷文張子信馬嗣明為方伎傳在周則有冀雋蔣晁姚
僧垣黎景熙趙文深褚該強練以為藝術傳在隋則有庾季才盧
太翼耿詢韋鼎來和蕭吉張胄玄許智藏萬寶常為藝術傳今檢
江式崔彥冀雋黎景熙趙文深各編別傳又檢得沙門靈遠李順
與檀特師顏惡頭并以陸法和徐之才何稠附此篇以備術藝傳
前代著述皆混而書之但道苟不同則其流異今各因其事以類
區分先載天文數術次載醫方伎巧云
濟濟珞珞有冠裳佩玉之風

卷二十一 藝術 十六 大來堂

烈女

蓋婦人之德。雖在於溫柔。立節垂名。咸資於貞烈。溫柔仁之本也。貞烈義之資也。非溫柔無以成其仁。非貞烈無以顯其義。是以詩書所記。風俗所存。圖象丹青。派聲竹素。莫不守約以居。正殺身以成仁者也。若文伯王之陵母。白公杞殖之妻。魯之義姑。梁之高行。衛君靈王之妾。夏侯文寧之女。或抱信以會真。或蹈忠而踐義。不以存亡易心。不以盛衰改節。其佳名彰於既沒。徽音傳於不朽。不亦休乎。或有王公大人之妃偶。肆情於淫僻之俗。雖衣文衣食珍膳。坐金屋乘玉輦。不入彤管之書。不露金史之筆。將草木以俱落。

與麋鹿而同死者。可勝道哉。永言載思。寔庶姬之耻也。魏隋二書。並有烈女傳。齊周並無此篇。今又得武功孫道溫妻趙氏河北孫神妻陳氏附魏隋二傳。以侷烈女篇云。

吳慧臨曰。讀到草木俱落。即鬚眉亦感憤欲絕。

四夷

蓋天地之所覆載至大。日月之所照臨至廣。萬物之內。生靈寡而禽獸多。兩儀之間。中土局而殊俗曠。人寓形天地。稟氣陰陽。愚智本於自然。剛柔繫於水土。故霜露所會。風氣所通。九川為紀。五岳作鎮。此之謂諸夏。生其地者。則仁義所出。昧谷嶠夷。孤竹比戶。限以丹徼。紫塞隔以滄海。交河此之謂荒裔。感其氣者。則凶德行稟。若夫九夷八狄。種落繁熾。七戎六蠻。充牣邊鄙。雖風土殊俗。嗜欲不同。至於貪而無厭。佞而好亂。強則旅拒。弱則稽服。其揆一也。秦王鞭笞天下。黷武於遐方。漢武士馬強盛。肆志於遠略。匈奴已却。

其國乃虛天馬令人益者既來其人亦困是知雁海龍堆天所以紀夷夏也
炎方朔漠地所以限內外也况乎時非秦漢志甚羸劉逆天道以
求其功殫人力而從所欲頭墜之釁固不旋踵是以先王設教內
諸夏而外夷狄往哲垂範美樹德而鄙廣地雖禹稷之東漸西被
不過海及流沙王制之自北徂南裁猶穴居交趾豈非道貫三古
義高百代者乎自魏至隋市朝屢革其四夷朝享亦各因時令各
編次俚四夷傳云
程驥稱曰取前人之意而經營之毅容克壯

四夷

四夷之為中國患也久矣北狄尤甚焉種落寔繁迭雄邊塞年代
遐邇非一時也五帝之世則有獯鬻焉其在三代則獫狁焉逮乎
兩漢則匈奴焉當塗典午則烏丸鮮卑焉後魏及周則蠕蠕突厥
比其酋豪相繼互為君長者也皆以畜牧為業侵抄為資倏來忽
往雲飛鳥集智謀之士議和親於廟堂之上折衝之臣論奮擊於
塞垣之下然事無恒規權無定勢親疎因其強弱朕叛在其盛衰
衰則款塞頓顙盛則率兵寇掠屈伸異能強弱相反正朔所不及
剽帶所不加唯利是視不顧盟誓至於莫相救護驕黠憑陵和親

結約之謀行師用兵之事前史論之備矣故不詳而究焉及蠕蠕
衰微突厥始大至於木杆遂雄朔野東極舊境西盡烏孫之地彎
弓百十萬別處於陰南向以臨周齊二國莫之能抗爭請盟好
求結和親乃曰與周合從終以齊國隋文遷鼎厥徒孔熾負其衆
力將蹈秦郊內自相圖遂以乖亂達頭可汗遠遁故人願保塞下
於是推止固存返其舊地助討餘燼部衆遂疆卒於仁壽不侵不
叛暨乎始畢未虧臣禮煬帝撫之非道始有雁門之圍俄屬群盜
竝興於此浸以雄盛豪傑雖建名號莫不請好息人於是分置一
司總統中國子女玉帛相繼於道使者之車往來結轍自古蕃夷

驕僭未有若斯之盛也及聖哲應期掃除氛祲時於時變猶懷抵
拒率其群醜屢隳亭鄣殘敗我少代搖蕩我太原肆掠於涇陽飲
馬於渭水太宗文皇帝奇謀內運神機密動遂使百世不羈之虜
一舉而滅瀚海龍庭之地盡為九州幽都窮髮之鄉隸於編戶寔
帝王所不及書契所未聞由此言之雖天道有盛衰亦人事之工
拙也加以為而弗恃有而弗居類天地之含容同陰陽之化育斯
乃大道之行也固無得而稱焉
考覈確狀歸美盛唐猶見推尊本朝之意

